



Ôdâq Olsenip Aningaasaateqarfiata malittarisassai

§ 1

Aningaasaateqarfiup aqqa tassaavoq "Ôdâq Olsenip Aningaasaateqarfia", SIK-mit piler-sinneqartoq.

Imm. 2. Aningaasaateqarfik Nuummi angerlarsimaffeqarpoq adressimi uani: SIK, Box 9, 3900 Nuuk.

§ 2

Aningaasaateqarfiup siunertaraa nunarsuarmi tamarmi sulisartut ulluanni nersornaasii-sassalluni SIK-mut ukiorpassuarni ilaasortaasimasunut, taamaalillutik taakku Kalaallit Nu-naanni sulisartut peqatigiinneranni ajunngitsumik sunniuteqarsimanertik pillugu kajumis-saaserneqassammata. Nersornaatit tunniunneqartassapput GAS/SIK-p siulittaasorisima-saata Ôdâq Olsenip, sulisartut peqatigiinneranni immikkut sunniuteqarsimasup, eqqaane-qaatissaanik.

§ 3

SIK-p malittarisassaani § 41 naapertorlugu kattuffiup immikkoortortaqarfii aningaasaate-qarfimmut ukiumoortumik akiliuteqartassapput. Ukiumut akiliutissat ilaasortamut ataatsimut 2 kr.-iupput, SIK-p allattoqarfiata erseqqinnerusumik innersuussineratigut aningaa-saateqarfimmut akiliutigineqartartussat.

Imm. 2. SIK-p siulersuisuuneri aalajangersinnaapput akiliutissat imm. 1-imi taaneqartut qaffanneqassasut, tamanna pisariaqartinneqarpat.

Imm. 3. Akiliutissat imm. 1-imi taaneqartut saniatigut aningaasaateqarfik allanit aningaa-saateqarfiup siunertaanut tapersersuisunit aningaasaliiffigineqarsinnaavoq.

§ 4

SIK-p siulersuisuuneri aalajangiisassapput kikkut aningaasaateqarfimmit nersornaaserneqassanersut, nersornaatillu qanoq aningaasartaqassanersut.

Imm. 2. Siulersuisuunerit imm. 1 naapertorlugu aalajangiitinnatik immikkoortortaqrarfiit siunnersuuteqarteqqaartassavaat kikkut aningaasaateqarfimmit nersornaaserneqassanersut. Siulersuisuunerit piffissaliisassapput siunnersuutit taamaattut qaqugu tiguneqareersimassanerannik.

§ 5


Aningaasaateqarfiup naatsorsuutai kukkunerisiorneqassapput SIK-p kukkunerisuiisuanit kattuffiup ataatsimeersuarnerani toqqakkamit. Taava naatsorsuutit SIK-p siulersuisuunerinit akuersissutigineqassapput.

§ 6


Aningaasaateqarfik atorunnaarsinneqarsinnaavoq aatsaat SIK-p malittarisassaasa allangortinneqarnerannut atatillugu tamanna SIK-p ataatsimeersuarnerani aalajangiunneqarpat.

Imm. 2. Aningaasaateqarfik atorunnaarsinneqarpat aningaasaatai SIK-p pisassarai.

Malittarisassat siulersuisuunernit akuersissutigineqarput ulloq 19. Februar 2019.



Jess G. Berthelsen, SIK-p siulittaasua



Ludvig Larsen, SIK-p siulittaasuata tullia